

GO GOROGA KA AFRIKA BORWA

Dinyakwa tša Khastom bakeng sa Baeti

Malobanyana Afrika Borwa e dirile diphetogo ka fao go sepetšwago baeti. Enngwe ya diphetogo tše dikgolo ke tsebagatšo ya Karata ya Baeti (yeo e bitšwago [foromo ya TC-01](#)), yeo e hlokago go tlatšwa ke batho bao ba tsenago ka Afrika Borwa bao ba swanetšego go laodiša sengwe ka Khastom. Go lebelela tebelelo kakaretšo ya ka pejana ya tshepetšo le dinyakwa ka mabopong a nagenng, kgotla mo gomme bakeng sa boemadifofane le boemakepe, [kgotla mo](#).

Ge eba o nyaka dintlha tše dintši ka ga tshepetšo ya go tšena le diputsetšo tše mmalwa, [kgotla mo](#) go bala [Traveller's Guide](#).

Kanale e Khubedu goba eTala?

Morago ga go tšena ka Afrika Borwa, o hloka go tlatša Karata ya Moeti. Morago ga go bega ka go Phalalelo, tšea merwalo ya gago gomme o tšwelepele ka go leba go canale e khubedu goba e tala ya Khastom (goba leba khaontareng ya Khastom ge eba ga go na canale e khubedu goba e tala).

Dikanale tše di latelago tša Khastom di swanetše go latelwa, go ya ka mabaka a gago:

Ge eba o swere dithoto tša go ganetšwa/se dumelelwe tšeo di welago ka ntle ga putsetšo ya gago ya go se tšhelelwe, goba ge eba ga o na tlišetšo ya ge eba dithoto tše o di swerego di wela ka fase ga legoro le, ka kgopelo leba go Kanale e Khubedu.

Ge eba o na le dithoto/kheše yeo o swanetšego go di laodiša, Karata ya gago ya Moeti le paseporoto di a sekenwa gomme wa dira taodišo ya molomo, yeo e tlatšwago ka go sesteme ke moofisiri wa Khastom/moeti o swanetše go tlatša Karata ya Moeti (TC-01). Tshedimošo ye ke karolo ya motheo wa foromo ya Taodišo ya Moeti (TRD1). TRD1 e tlo dirišwa gape bjale ka Phemiti ya Tlišogae ya Motšwaoswere (TIP) le Phemiti ya Išontle ya Motšwaoswere (TXP). Go hwetša tshedimošo enngwe, o ka šupetša [go pholisi ya ka ntle ya Kharensi ya go Fetiša](#).

Ge eba moeti o thabetše tshedimošo yeo e lego go TRD1, o tla kgopelwa go saena go papetla ya tshaeno ya elektroniki gomme tshaeno ya bona e tla tlatšwa go mokgwatšhomo. TRD1 yeo e saennwego e a gatišwa gomme ya fiwa moeti.

Ge eba dithoto tše o di swerego di wela ka fase ga diputsetšo tša go se tšhelelwe, ga o na dithoto tša go ganwa goba go se dumelelwe, ga se o swere dithoto tša kgwebo (tša morero wa kgwebo ya tlišogae) gomme ga se o swere dimpho, tša batho ba bangwe, fetela go Kanale e Tala, ntle le ge o laetšwa ke Moofisiri wa Khastom.

O ka emišwa, wa botšišwa goba wa setšhwa ke Baofisiri ba Khastom ka nako enngwe le enngwe ka go canale e Khubedu goba e Tala.

Dithoto tša go se Dumelelwe

Tlišogae ya dithoto tše di latelago ka Afrika Borwa e tloga e ganetšwa:

- Dikidibatši le ditagi tša go tlaetša tša mkgwa o mongwe le o mongwe
- Dibetša tše mmalwa, tša go šoma ka go itiriša, tša sešole
- Dithutupi le dilakalaka
- Mpholo le ditagi tše dingwe tša go bohloko
- Disekerete tša kimelo ya go se fete 2kg ka go 1 000
- Dithoto tšeo tlhaloso ya kgwebo goba leswao la thekišo di dirišwago go ya ka tshelo ya Molao o mongwe le o mongwe (mohlala, dithoto tša ekišo)
- Tšweletšo yeo e sego molaong ya dilo tšeo di nyakago ditokelo tša kgatišo
- Dithoto tša go dirwa ka boitsholo goba dithoto tša go dirwa kgolegong

Dithoto tša go ganetšwa

Dithoto tše dingwe di ka tlišwagae ge eba o swere tumelelo e hlokegago / phemiti. Mehlala ke:

- Dithunya / Dibetša
- Dikhoine tša gauta

- Kharensi ya go fetiša (kheše, tšhelete ya pampiri bjale le bjale.)
- Diminerale tša go se tšweletšwe (mohlala, gauta, taemane, bjale le bjale.)
- Diphoofolo, dimela le ditšweletšwa tša bona (mohlala, matlalo a diphoofolo, ditšweletšwa tša lebese, mamepe)
- Kalafi (go sa akaretšwe dilo tše dintši bakeng dikgwedi tše tharo bakeng sa go ikalafa tša go felesetšwa ke lengwalo la go tiišetšwa go tšwa go ngaka ya go ngwadišwa)
- Ditšweletšwa tša meriana (tumelelo ya Kgoro ya Maphelo e a hlokega)

Diputsetšo tša go se tšhelelwe

Dithoto tša go wela ka fase ga diputsetše di latelago di ka tlišwa ntle le tefelo ya motšhelo wa khostom le VAT ka ge di sepela le morwalo:

- Disekerete tša go se fete 200 le disikara tše 20 go motho o mongwe le o mongwe
- Disekerete tša go se fete 250g goba phaephe ya motsoko go motho o mongwe le o mongwe
- Phefumu ya go se fete 50ml le 250ml ya eau de toilette go motho yo mongwe le yo mongwe
- Beine ya go se fete dilitara tše 2 go motho yo mongwe le yo mongwe
- Dinotagi tše dingwe tša go se fete litara e 1 go motho yo mongwe le yo mongwe

Ka tlaleletšo ya diphetagalo tša mong le diputsetšo tša ka godimo tša go jewa, baete ba dumelelwa dithoto tše dimpsha le tša go dirišwa tša go sepela le morwalo tša boleng bja R5 000.

Moeti o swanelwa ke diputsetšo tše motho ka o tee mo matšatšing a ma 30 ka morago ga hlokalago ya diiri tše 48 go tšwa ka Afrika Borwa.

Diputsetšo tša motsoko le dinotagi ga di dumelelwe batho ba mengwaga ya ka fase ga 18.

Maloko a sehlopha ga a dumelelwe diputsetšo tša go jewa.

Na nka tliša kalafi ya ka ka fase ka putsetšo ya go se lefele lekgetho?

Baeti ba ka tlišagae dikalafi tša bona ntle le ge di sa fete sebaka sa dikgwedi tše tharo (3) di didirišwa. Se se swanetše go sepela le lengwalo la ngaka ya kalafi.

Dilo tša go dirwa ka diatla bakeng sa go rekišwa

Baeti ba go tšwa SACU goba go tšwa go dinaga tša maloko a Setšhaba sa Tšwetšopele sa Borwa bja Afrika (SADC) ba dumelelwa go tliša dilo tša go dirwa ka diatla bjale ka mekgopha, magong, polastiki, goba galase ge eba dithoto ga di fete 25 kg ka palomoka, ntle le tefelo ya makgetho le metšhelo.

Kelo ya tekanyo ya go lekanela

Godimo le go fetiša putsešo ya go se lefišwe lekgetho, o ka kgetha go lefela lekgetho la Khostom ka tekayo ya go lekanela ya 20% go dithoto tše o di rekilego ka naga ya ka ntle goba ka lebenkeleng la go se lefele lekgetho.. Palomoka ya boleng bja dithoto tše tša tleletšo, dithoto tše dimpsha goba tša go dirišwa di se fete R20 000 motho yo mongwe le yo mongwe goba R2000 bakeng sa maloko a sehlopha. Dithoto tša tekanyo ya go lekana le tšona di a lokolla go tefelo ya VAT.

Ge boleng bja dithoto tša tlaleletšo tše laedišwago bo feta R20 000 goba g e o ka kgetha go se diriše nolofatši ye, tekolo ya tekanyo ya go lekanela e wela ka thoko gomme tekanyo ya maleba ya lekgetho le VAT di swanetše go lekolwa gomme di lefelwe go selo se sengwe le se sengwe. Go swanetše go bewa ka hlogong gore go mabaka a mangwe dithoto di ka swanela ke go lefišwa tekanyo ya lekgetho la khostom la go fetiša 20%; tše dingwe di ka ba ka tekanyo ya fase, mola dithoto tše dingwe di ka se lefišwe lekgetho. Go tlaleletša, 15% ya motšhelo ya boleng bja go tlaleletšwa e tla lefelwa go dithoto tša go lekolwa ka tharifi.

Go swanetše, le ge go le bjale, go lemoga gore kgopelo ya peelano ye e ya ka palomoka ya boleng bja dithoto tše di laodišitšwego ka fase ga phokoletšo ya thoto ya go se fete R25 000. Ka mantšu a mangwe didirišwa ka moka, diputsetšo tša go se lefišwe motšhelo tša R5000 le dithoto tše di sat logo go lekolwa ka tekanyo ya go lekana di swanetše go se fete R25 000.

Putsetšo ya tekanyo ya go lekana e ka fiwa makga a mantši go sediko sa matšatši a 30 morago ga go hlokega ga diiri tše 48 goba go feta go tšwa go naga yeo e filwego ntle le ge dithoto di sa fete R20 000.

Kharensi

Kharensi yeo e tlišitšwego goba e tšeerwego ka Afrika Borwa e a lekolwa go ya ka molao. Ge e ba o swere kharensi ya go feta R25 000 ya Afrika Borwa goba kharensi ya naga ya ka ntle, se se swanetše go laodišwa.

Ditefelo

Makgetho a Khastom le metšhelo di lefelwa ka Diranta tša Afrika Borwa. Tefelo e ka dirwa ka kheše, karata ya khrediti goba ka tšheke ya moeti.

Ge eba o na le dipotšišo goba o a belaela ka ga tšhelete ya lekgetho/motšhelo o o swanetšego go lefelwa, gob aka sengwe le sengwe sa go ama moofisiri wa Khastom, o ka iša ngongorego yeo go moofisiri mogogo wa Khastom yo a šomago ka nako yeo. Rasiti yeo o e hwetšago go Khastom e swanetše go fiwa moofisiri yo a šomago ka nyakišišo.

Tlišogae ya motšwaoswere

Ka kgopelo lemoga gore go ka hlokega gore o lefele tipositi go lefela kgonagalo ya lekgetho/motšhelo go dilo tša theko ya godimo ge eba o ditliša sebaka se se nnyane. Tipositi ye e tlo lefelwa morago ge o tloga ka morago ga ge moofisiri wa Khastom a lekotše dithoto ka sebele le go tiišetša gore dithoto di išwantle gape. Baeti ba swanetše go tsebiša ofisi ya Khastom fao tipositi e rometšwego mo matšatšing a mabedi pele o tloga go netefatša gore pušetšo e beakantšwe. O tla fiwa nomoro ya ofisi go ditokumente tšeo o tlo di fiwago ge o lefela tipositi. Ge eba o tloga go boema bjo o sego wa lefela tipositi gona, pego ya tlhahlobo ya go tiišetša tlišogae gape ya dilo e tlo romelwa go ofisi yeo tipositi e lefetšwego gomme tšheke e tlo posetšwa go aterese yeo e filwego.

Baphatlalatši ba ditaba/boradipapadi

Ge eba o mophatlalatši wa ditaba goba o radipapadi gomme o tliša dithoto ka nagang le wena, bjale ka didirišwa tša diswantšho goba tša dipapadi, o swanetše go di laodiša go kanale e khubedu ya Khastom morago ga go goroga ka Afrika Borwa.

Le ge go le bjale, ge eba dithoto ga di tle le wena eupša o rometšwe ka mo nageng ka nako ya go fapana (ka morwalo wa go se felesetšwe), gona o swanetše go fedišwa ka fase ga Thoto ya Phokoletšo 480.15 goba ka mokgwatšhomo wa ATA Carnet. [Bala Cargo Guide](#) go hwetša tshedimošo enngwe.

Babeakanyi ba khonferense

Ge eba o tliša dithoto ka nageng bakeng sa khonferense, mohlala, dipampiri, diproutšhara, difolaga, bjale le bjale, o swanetše dira tše di latelago:

- Ge eba dithoto tše o sepela le tšona, o swanetše go latela tshepetšo bjale ka baeti ba go tlwaelega
- Ge eba dithoto ga di sepele le wena eupša go romilwe ka nageng ka nako ya go fapana (ka morwalo wa go se felesetšwe), o swanetše go di laodiša go [DA 306 form](#). O swanetše go tlatša foromo pele o ka etela ka mo nageng gomme o e iše ofising ya Khastom ya kgauswi le wena ge o filha ka Afrika Borwa. Se ke tshepetšo ya bonolo ya tumelelo bakeng sa dithoto tša go se be le boleng bja kgwebo, k.g.r bakeng sa dithoto tše di ka se reki šwego ka nageng.